



بطاقة الكتاب

عنوان المؤلّف: خلفتى يامصر

المؤلّف : صفية نصار (شاعرة الجنوب)

التصنيف : أشعار

رقم الإيداع : 10810-2018

الترقيم الدولى : 2-16-6656-977

عدد الصفحات: 100 صفحة


رقم الإصدار الداخلي: 175

تاريخ الإصدار الداخلي: مايو 2018 (الطبعة الأولى)

تصميم الغلاف والتنسيق: دار النيل والفرات للنشر والتوزيع

جميع حقوق الطبع والنشر محفوظة للشاعر، ولا يحق لأي دار نشر طبع ونشر وتوزيع الكتاب الإبموافقة كتابية وموثقة من الشاعر





الإهداء

إلى مصر الأم والوطن

ابنتك صفية نصار

خلفتي يامصر

خلفتى يامصر وسندتى ضهرك مطلعش ع الفاضى تعبك ولا سهرك خلفتى رجاله قدرو يدفعو مهرك بس مهرك كان غالى زي إسمك ومقامك العالى مهرك دم الشهيد اللي روى ارضك ودمه امانه ولازم ناخد بالتار للى خلى ليلك طلع له نهار من بعد الظل نعيش احرار وكلنا فدا شبابك وعمرك وحق ابنك اللي حاضر واللي غاب

مش هنخلی فیکی خونه ولاارهاب هنقف اسود على كل باب نحمى حدود بحرك وبرك خلفتي يامصر ياام الهرم والنيل خلفتى يامصر وادى الدليل ابنك يابلدي ميعرفش المستحيل خلى الفرحه تملى سماكي وارضك خلفتي يامصر وسندتي ضهرك وهترجعي بلد الامن والامان ده وعد ام الدنيا وقد الدنيا حضارة ومجد والخاين لو جبل بعون الله هينهد ولا ههدى ولاهرتاح إلا بنصرك

إفرحى يامصر

افرحى يامصر يامه واتهنى واطلبى من عنيا بس واتمنى تشهد ميادينك وشعب واعى مطمنى وقفو وقفة رجالة انا عمرى ماانساها احلف بترابك وبدم كل شهيد وابنك اللي انكتب له عمر جديد واللى واقف ع الحدود وعزمه شديد واللي بيضحى لسه ويقول فداها انا بحلف وده وعد منى قدام الناس اصون ترابك زى الدهب والماس واطلبي قلبي وانا كلي حماس

روحى نفسى في حبك انساها وهااكون عند حسن ظن الجميع وقد المسؤليه ولاعمرى يوم ابيع وحق بلدى وولدى مش هيضيع دى مصرحبيبتي وانا عاشق هواها مسلم مسيحي مصر لينا كلنا رب واحد وطن واحد مجمع شملنا ورئيسنا الشعب اختاره واحد مننا سيف على رقبة كل اللي عاداها يارب انصرني وعلي كل خاين قوينى وثبت خطايا وللخيروطريق النصراهديني وامشى زى ماقال الكتاب وربى ودينى وانقش حروف اسمها بدمى وارفع علمها من ارضها لسماها

مصر بتنادي

اصحى ياولدي مستنى ايه تاني على صوتك اصرخ ضحى علشانى لامتى تفضل ضعيف خايف وساكت عاجبك ذلى وراضى بهوانى سنين يقولوا عليا مديونه بيرموا في بير ويملوا في شونه انا خيري ع الكل مش عايزه معونه وبرفض وبصرخ بالصوت الحياني مات الضمير وانعدم الإحساس جواهم الجشع والطمع ملاهم وعماهم فاكرينها دايمه ولاهياخدوا حاجه معاهم

اللى بيزرع بيحصد وهو وحده الجانى مش هیزرع شوك وهیجنی ورود وكل اول له اخر وللصبر حدود وكفاية كده لكل فعل ردود انا اللى قاسيته وشفته منكم كفانى واللى بيزرع خير أكيد يلقاه وإنا مش قليلة وإلا بقول يامحسنين لله انا ام الدنيا واسمى العالم كله يتمناه انا هبة النيل سر الوجود والحياه انا من نیلی انکتب موال واغانی ولا اقدر اوفي ولا اكفي مهما اقول انا الحضاره وللعلم مناره وتاريخ موصول انا مصر الحرة انا بنت الاصول والعزة والكرم إسمى والشرف عنوانى

خلصت خلاص

خلصت خلاص جبت اخرك معايا لاشفت منك إخلاص ولا حسيت هوايا افتكرتك بر أمان وليا في قلبك مكان وهتسمع يوم ندايا اتاريك قاصد تحير فيا وانا مفيش حاجة بإيديا مبشوفش غير صورتك في عنيا قبل صورتى في المرايا

بشوفك وإنت مش جنبي اقرب لى من إحساس قلبى اقول ايه تاني يأكد حبي وإنت بايعني م البداية حبيبى حكم قلبك وضميرك ملیش حبیب ابدا غیرك قلبى ملكك واسيرك ارجوك ارحمني كفايه اقولك خلصت خلاص وضيعت اجمل احساس انا بنیت من غیر اساس وإنت هديت الامل جوايا

أشوفك ثانية

اشوفك ياحبيبى ثانيه وادفع من عمري سنين إنتى عندي بالدنيا انا ليا غيرك مين حبيبي تعالى خدني ياتيجي تسكن حضني قلبي وعيوني مشتاقين وحشني ياقلب قلبي وحشنى ياروح الروح حبيبي حياتي ياكل حبي قلبي معاك بين ماتروح

دایب فیك حنین

انا مش اد السهر طول ليلي

قولي حبيبي طريقك فين

انا قلبي دليلي

وعارف سكة العاشقين

ومش هيتوه ابدا ياعين

دي الجناين اللي طرحها فل وياسمين

واشوفك ياحبيبي ثانيه

وادفع من عمري سنين

خساره فيك

خساره فيك إحساس قلبي لوحتي هيبين زعلي غضبي خساره فیك ای حاجه منی حتى العتاب لو غصب عنى خسارة لوهتشوف دمعتى او تحس مرة بقسوتي القسوة احساس م القلب يرضو خساره فيك انابكره عنيا تشوف عنيك اللي حبيتها وبكره ايديا تلمس ايدك اللي حسيتها وبكره اى غنوه معاك انا غنيتها

وبكره روحي كل ماتفكرني بيك مش عايزة اشوفك لوصدفه ولونى خلاص مبقتش خايفه ازي اضعف وانا مش شايفه اي حاجه م اللي حبيتها فيك موت جوايا اجمل احساس خليتني اخاف من كل الناس راجع علي اي اساس اناحبي مكنش ليك خسارة خسارة فيك

بنت عمري

قالو عليكي شبه القمر قلت القمر هو اللي يشبها دى زى الملايكه و البشر من جمالها احتارو مين يوصفها القمر واخد من نورها وضيها شوفو شوفوا العيون السود ولا الخدود اللي بتطرح ورود اسمعو صوتها الحان ونغم عود في جمال بالشكل ده لا مفيش لاقبلها ولا بعدها فى الحلاوه ملكيش زي

من صفين اللولي شايف ضي ينور الف شارع ومية حي لو بس تتبسم ويبان سنها دي بنت عمري أول فرحه منى عيني أشوفك بالفستان والطرحه وفي عين الحسود واللي مايصلي شطه وملحه شطه وملحه ليلة العمر وزغروووووته لاغلى الغالين وحبيبة امها

افرحى يامصر يامه واتهنى

واطلبي من عنيا بس واتمنى تشهد ميادينك وشعب واعى مطمنى وقفو وقفة رجالة انا عمرى ماانساها احلف بترابك وبدم كل شهيد وابنك اللي انكتب له عمر جديد واللي واقف ع الحدود وعزمه شديد واللى بيضحى لسه ويقول فداها انا بحلف وده وعد منى قدام الناس اصون ترابك زى الدهب والماس واطلبي قلبي وانا كلى حماس روحي نفسي في حبك انساها

وهااكون عند حسن ظن الجميع وقد المسؤليه ولاعمرى يوم ابيع وحق بلدى وولدى مش هيضيع دى مصرحبيبتي وانا عاشق هواها مسلم مسيحي مصر لينا كلنا رب واحد وطن واحد مجمع شملنا ورئيسنا الشعب اختاره واحد مننا سيف على رقبة كل اللي عاداها يارب انصرني وعلى كل خاين قويني وثبت خطايا وللخيروطريق النصراهديني وامشى زى ماقال الكتاب وربى ودينى وانقش حروف اسمها بدمى وارفع علمها من ارضها لسماها

يرضي مين

يرضى مين عمايلك ديه يرضي مين ظلمك ليا توعد وتخلف وإقابلك بتحلف مش طبعك آسيه ودايب حنين طب هو فین ویرضی مین صدقنی خلاص ملیت من كتر ما قسيت وكرهت الحب اكتر م اتمنيت وندمت على حب السنين وده يرضى مين مبقاش في العمر باقي

تحير قلبي واشواقي ليالى بعاد وثوانى تلاقى وأجيب الصبر منين وده يرضي مين معقوله ياحبيبى فثوانى ودقايق هطفى نار شوق تشعلل حرايق ده صعب جدا وشيء يدايق وميصحش ابدا في دنيا العاشقين وده يرضى مين ظلمك ليا بتوعد وتخلف واقابلك بتحلف مش طبعك آسيه ودايب حنين طب هو فین وده یرضی مین

كان أملى

كان املي اسمع منك اول كلمه ودقه علي بابي وم اللى شفته انا منك إتهيألي من حبي إنك هتسعد عمري وشبابي وتشاركني اي فكرة وجوه عيوني تقرا كل صفحه في كتابي لقيتك مش بتغير وبعدك قرب لي كتير وانا من غير تفكير

بينت لغيرك إعجابي مكنش ردك ليامعقول كان قلبك بغيري مشعغول خفت إنتظاري يطول ولوحدي اعيش بعذابي ماصدقت الفرصه تجيني نسيت شوقي ليك وحنيني مادمت ياحبيبي إنت ناسيني

هوه لسه فیه وقت

بتقولي استني كتير قولي ثانيه قولي اتنين حبيبي متقولهاش تانى انا اخر صبری ثوانی حبيبي طول الوقت بفكر مین للتانی بیعشق اکتر وعايزيني استني واصبر تقدر تقولى الاقى الصبر فين هوه لسه في وقت هنضيعه ولا عمرنا هنقدر نرجعه ولا قلبى حمل اهه توجعه

تعبنا م الشوق ايام وسنين وكل وعودك ابعد م الخيال مبقاش عندي قوة ولا احتمال وإنت ولا مره. قلبك رد لي سؤال ولاحس معني الحب ولاطعم الحنين

إحنا شباب 25

عايزين الحياة ترجع وتعود عايزين اللي يوفو بالوعود تبقى مصر جنه ملهاش حدود احنا شباب ثورة خمسة وعشرين اللى وقفنا ملايين والوف اللى كسرنا جدار الخوف وقولنا لا للظلم والجبارين قولناها للكبير قبل الصغير حاجات كتير لازم تتغير ومهما طال الظلم عمره قصير وهانشوف نهاية الخاينين صوت الحق دايما عالى

بسمعه ودايما على بالى وألبى يامصر النداء الغالى احنا رجاله مش لسه صغيرين مسلم مسیحی نحمیکی وياويله اللي يحاول يعاديكي ومن كل المحن هنعديكي ده حق واجب علينا ودين يامصر يا غاليه انتي امي فداء اسمك روحي ودمي وانا واخويا على ابن عمي اعداء الوطن بااسم الدين اللى يخرب ويدمر بلد الامان اللى يقتل ببشاعه كدة اى انسان مصرير بئة منه وكل الإدبان

وسماكى وارضك وكل البنى آدمين ومش هیروح دم ولادك هدر هاناخد تارنا م اللي بيهم غدر وياوليهم من حكم القدر ودعوة المظلوم لو بعد حين دعوة كل اللي اتظلم في كل جيل حتى اللى زارك وشرب م النيل حسبنا الله ونعم الوكيل كلنا في حب مصر نقول امين بكرة نقف كلنا بين ايادي الله يوم لاينفعك فيه مال ولا جاه لا المناصب بتدوم ولا الحياة ومصر باقيه ليوم الدين مصر باقيه ليوم الدين

إزاي عدت عليك ؟!

حبيبي ازي دي عدت عليك الكلمه اللي بيها تطمني دنا من حسن ظنى بيك قولت لروحي قربت تفهمني بس إنت حقيقي حيرتني ومن اول مقابله سبتني ونسيت معادنا وخسرتني قربت لك بعدت عنى متجيش تقول غصب عنك ويصورك خياك وظنك انى اقبل عذر منك

ياللي من فرحة لقاك حرمتني انا مش هالومك انابلوم حالي بصيت لفوق وطلعت في العالي وده اكبر من احلامي وفوق خيالي الفرق بينا كبير كان لازم تفكرني

نفضها سيره

انا مش قد الحب والحيره ولاحمل عذاب النار والغيره ماتيجى نفضها سيره قبل مانغرق ربنا يهديك مش كل شوية تقول وحشاك وتصحى فياحنين لهواك وتخلى قلبى يفكر فيك انا راضية بقلبى الخالى ولاعايزة اشغل بالى ارجوك سيبنى في حالى وابعد عنى الحلوة عنيك

انا مش قد الحب والحيرة ولاحمل عذاب النار والغيره ماتيجي نفضها سيره قبل مانغرق ربنا يهديك احنا علي شط الهوي خلينا وبلاش الموج وسط التيار يرمينا ليه نرضي بالحب وحكمه علينا ماتيجي نفضها سيره قبل مانغرق ربنا يهديك

ياريت

ياريت قابلتك من زمان من قبل الزمان بزمان ولا عشنا يوم في ندم ولادوقنا من كاس الحرمان بس ياخساره لقانا اتاخر جد ووصلنا النهايه من قبل مانبدأ وانا في الحياة عندي مبدأ والحب يعنى احساسى بالامان حبيبي ياريت ماكنا اتقابلنا ولا يوم للحب سلمنا ياريته الحب ماكان

لاهنرجع بعمرنا من تانى ولا هنعيش غير امانى أيام م الزمن غوانى تعمل ایه لقلب سنین عطشان دی حاجه یادو ب بتصبر وتشوقني لحضنك اكتر وتخلينى طول الوقت بفكر وخيالي معاك في كل مكان بس مش دي الحقيقة ولا بقول قلوبنا بريئه نفسها تعيش الحب لودقيقه حبیبی هوه باقی اد اللی کان یاریت یاریت

أكتر م الهم

مفیش اکتر م الهم ع القلب وعلى كل لون ياباتسطه العيشه بقت مراروغلب وكل حاجه عايزه واسطة بلدنا مبقتش لينا ده عيب فيها و لافينا لقمة العيش عايزة حرب مش من حقك يامعلم ولاانت اللي عامل فيها اسطى دنيتنا صبحت غابه مفيش مكان للغلابه ضماير عايزة طبابه خلت جبال الديون فوق راسنا حطه وربك بالعباد عالم

وهايجي يوم ع كل ظالم قطر الحياة مهوش دايم مهما طالت الرحلة لابد مايرسي وتنزل اقرب محطه

على فكره

علي فكرة إنت محبتنيش واللي بشوفه ده حبي ليك شكرا حبيبي ان إنت مجرحتنيش وحبيت حبى انا فيك بتسيبنى على راحتى اتكلم وبتحض ايديا لما بسلم وكأن الحب والشوق ماليك بتحبني وقت ماتشوفنى وابعد تنسي إنك تعرفنى ودي اكترحاجة بتخوفني غير اني بضعف قدام عنيك وعشان كده هاابعد يارب قوينى

وان شفتك هااخبي شوقي وحنيني
لحسن تلمح دموع عيني
مش عايزة اصعب عليك
حبني زي انا مابحبك
ولو إحساسك من وراء قلبك
إرأف بحالي لا ده مش ذنبك
انا هتحدي قلبي اللي خلاني
لعبه ف ايديك

مین ده ؟!

مين ده اللي هل علينا وبان مين اللي فتح للقلب بيبان ده القمر اللي اسمه عبدالرحمن سبحان اللي خلق و صور جمال وخفه بدر منور ورقة ملك مش انسان حبيب تيته وحبيب جده فى الغلاوه مفيش قده خد كل الحلاوة لوحده عليه ابتسامه تروى العطشان حبيبى لوحتى بيبكى

× 39 >>+

عيبونه الحلوة دي . بتحكي وتسبق ماما وتشكي قال ايه مش عارف منها ينام ياتري اصدق مين ومين الغلطان اكيد ماما مش برضوا كدة انا عارفة ياحبيبي ومتاكده وبقولها وانا كلي رضا ماما مين طبعا طبعا إنت الكسبان

ياللي عمرك

ياللي عمرك ماجبرت لي خاطر ولا قلبك رد لقلبي مره نداء وانا اللي بقلبي كنت بخاطر وقدمتولك هديه وكبش فداء دلوقتى انا بدفعالتمن جزاء قلبى اللي إئتمن ناس مبتعملش حساب للزمن وعلى القسوة دايماً متعوده عايشه وميته ع الدنيا ولاعارفه انها فانيه والعمر بيضيع في ثانيه

وده حال الدنيا كده
كل شيء له نهايه
واديتك من عمري كفايه
من غير غرض ولاغايه
عايزه بس انول الرضا
وانت بتكنز مالك عمال
تقسم وتجمع وتطرح
عد علي قلبك وافرح
وملكش في قلبي مطرح

واحشني كتير ياغالي

وحشني كتير ياغالي وحياتك قول تعالي مقدرش اتحمل بعدك ثانيه تسبيني إزي ايام وليالى شوف بقالي كام سنة استنى ترجع تانى هنا تسكن قلبى يانور عيونى ياحضن مليش عنه غنا البعد ده فوق احتمالي وحشنى كتير ياغالى انا ياما ياما بشتاق لك

وليل ونهار بندهلك هوه ده ذنب قلبي انه فتح لك اول ماسمع بدق قلبك لما كان صوته عالى بيقول وحشنى كتير ياغالى تعالى ومتقولش بكره ولابعده انا لاحمل نار الشوق ولا اده والصبر خلاص جاب اخر حده قول اشوفك امتى وفين واسأل قلبك وشوف إيه رده ولو هو داري بحالي قوله وحشنى كتير ياغال

ليه الأيام

ليه الايام وخداك مني مش برضوا دي حاجه تضايق مش عايزة حاجة تبعدك عنى ولاحتى ثوانى ولاحتى دقايق حبيبي خليك جمبي متقلش لا انا ليا في قلبك الف حق يرضيك ازعل اموت اطق الشوق ناره قايده وقلبى م طايق حبيبى ياللى اناروحى دايبه فيك قرب تعالى واسعدنى بلياليك وحياة قلبك والحلوه عنيك

انابحلم ولا دى حقايق حبيبي حياتي انا بعشقك وعيب قلبي انه مصدقك وقبل ماتقرب قلبى بيسبقك وانت سايق فيهاوبالك راااايق حبيبي هوه شوقنا ملوش مدى كان لينا فين ومن امتى ابتدا معقوله في حب زي حبنا كده لا پاحبيبي ولابالشكل ده ممكن اصدق انا بحبك حب فاق الحد لاخطر على بال ولاحسه اى حد حب فوق مستوى البشر بالجمل ملك من عبيرك بيتعطر الورد واقول بحبك لا لا دنا بعشق

لقيت فيك كل اللي بتمناه واكتر حب ابعد من الخيال واكبر يحلم معاك قلبي وقبل ماافكر الاقي احلامي قدام عنيا بتتحقق حبيبي هوه في زي حبك حب ولا قبلك ولا بعدك شاف القلب اعذرني ان قلت بعشق موش بحب وبعذرك حبيبي لو موش هتصدق إن شاء الله تحوز إعجابك

أنا بعشق من جديد

انا ايه بس اللي جرالي من اول لمسة ايد في لحظة اتغير حالي وعشقت انا من جديد الشوق كان اقوي مني م الفرحه ياقلبي غنى انا بین ایدیه حسیت کأنی لسه بعشق من جدید شفت دمعه زي الندي من شوق عيونه اللي ابتدي يقول لعيوني كفايه كدة

خلي الحزن يبعد بعيد انا بین ایدیه حسیت کأنی لسه بعشق من جدید هوه لقانا كان ثواني بس عندي بعمر تاني حبيبي فاكر عمري وزماني ولا نسي بينا المواعيد جانى بشوق كل العاشقين جاني من بعد غربة سنين جانى دايب م الحنين وكان لقانا ده اجمل عيد وبین ایدیه حسیت کأنی انا لسه بعشق من جدید انا لسه بعشق من جديد

حرريني

حرريني من قيودك وابعديني عن حدودك انا خلاص ملیت تعبت من جحودك قلبی مش ممکن یصدق یجی یوم یهوی ویعشق ولاعمره يتمنى وجودك الالو الامر بإيده هو ولا حس الهوى هيزيده قوه والقرار من صميم القلب جوه اقدمه هدية لبستان ورودك

قلبى عاش طول عمره سيد والهوي لو كان يقيد يبقى ليه ابني امالي او اعلى ولا اشيد وانتى ابعد من وعودك ازي ارضي لقلبي الهوان او لحظة ضعف مهما كان بس لواحس في عنيكي الامان وكنتى صادقة في عهودك كنت احبك م البدايه حب موصول ملوشنهاية يومها لو حبك هلاك ابقى انا كل الضحايا اللى يحيها وجودك

همسة شوق

اللى احنا فيه حاجه مش معقولة نرجع بعمرنا لايام الطفولة حبيبي ايه اللي جري لنا وخلانا نبدأ من سنه اولى من اول مقابلة وهمسة شوق تطير بينا الامانى لفوق بيساطه كده ويكل سهولة كأنى مفيش عمر عدى وابتدى العمر من النهارده والزمن لا جاب و لا ودا وطول الوقت عليك مشغوله

اوعدنى واللقاء قسمهونصيب وجایز فی مره تصیب ونتقابل يااعز واغلى حبيب وابقى انامنك وعن حياتك مسؤله بس متجبش على قلبك لو دق وقول للحياه اه ليه لا حبيبي ادي لنفسك حق وجرب تلعب دور تاني واستغنى بلاش تأخذ بطوله واعزرنى لو سرح بيا الخيال وقلت يادنيا مفيش شئ محال هنبنى ونعلى جوانا الامال تفضل احلامنا بالود موصوله

سيبك م الأحلام

حبيبي سيبك م الاحلام احنا نقدر نحققها هواك كدبه اوهام قلبى انا صدقها خيال حقيقة المهم نعيش اهى حاجه احسن من مفيش ثواني لو من الزمن نسرقها من اد ایه مشتاقین ننسی عذاب السنین وندوق طعم الحنين ونحب ايامنا ونعشقها حبیبی ازی تبعد کده ولیه قلبى مابطل نداصعبان عليه هوه العمر كله فيه اد ايه

يادوب ساعات حرام نضيعها اللي باقي مش اد اللي راح ولا في في الوقت براح خايفة من كتر الجراح وقلوبنا مش حمل اهه من القلب تحرقها

أيوه ياقلبي

ايوه ياقلبي مايتخافش عليك النهارده بس رديت اعتبارك اخدت تارك كده بايديك ،،وخلاص ياقلبي بردت نارك بجد هو يستاهل ،،،البادي اظلم فاكرك ياقلبي ساهل ،،يبقى بيحلم لازم تكسره وتحس بانتصارك وتموت فيه الكبر والقوه بحبة مكر وكيد من اللي هوه ويعرف بسلامته تبقى مين حواء وافتكرخروجك م الجنة مكنش اختيارك وحياة قلبي اللي داب حنين وحياة عذابي لأندمه ع السنين وادفعه تمن جرحك ودمعك ياعين واصعب حاجه لوتبعد عنه ويكون دا قرار

غصب عنى

غصب عنى راضية بمصيرى هاابعد حبيبي واانابعشقك احترت مابين عقلى وضميرى ومن قلبى مشتاقه اسمعك غصبت إحساسي ورحي وقبلت اتحمل جروحي وبكل حبى بودعك ولونى صعب انساك وتنساني وحبك ده اتخلق عشائي ولو نداك الشوق ونداني لازم ابعد واحاول امنعك

أرجوك متحاولش ترجع تاتي الحب طول عمره اناتي وان كنت تقدر إنساني ابعد ايه بس اللي رجعك خلي حبنا ذكرى لايامنا وصورة حلوه في احلامنا مفيش غير كده قدمنا وان قلت انساك اناهااخدعك

كل ما أقول أشوفك إمتى

حبيبي حبيبي تقول قريب وإنت عارف مليش غيرك انت بلمسه تداوي بهمسه تطيب واه ياخوفي من قريب وانا بصدق كل كلمه وده عيب قلبي اكمنه طيب

لا ياحبيبتي متخافيش انا عمري م أوعد وموفيش دي عيبه في حقي وابدا متجيش انا حبي ليكي خلاني

هوه

اشوف الدنيا شكل تاني معقوله قلبك يطاوعك ويقدر يوم ينساني واه ياخوفي من قريب هو

إنتي ساكنه جوه منى انتي شمسي وإنت ضلي عمري يوم مااستغني عنك هوه بعدك ايه فاضلى

هی

اه يا خوفي من قريب خایفه ظنی بیه یخیب وانا بصدق كل كلمه وده عيب قلبي لانه طيب

كمل معايا متسبنيش لوحدي واحضن هوايا وخلى الشوق يهدى هيالحياه ومن غير هوانا تسوى ايه تقدر تقولي وانا بصدق كل حاجه وده عيب قلبي لانه طيب واه ياخوفي من قريب دانتی کل حاجه لیا إنتى روحى ونور عنيا بحس روحي ضايعه مني لوتغيبي في يوم عليا الحياة ياروحي هيه احنا واخده كتير من ملامحنا حتى اسمى من حروفك

بس قولي امتي اشوفك والحياة والدنيا تبقي لصالحنا

يعني سكت

اللى يعيش ياما يشوف وانا بستني بشوق ملهوف اسمع منك قبل مااشوف قول ياحبيبي يعنى سكت هااستنى الشوق هوه اللي يجيبك وتقولى انا لسه حبيبك ولو حتى على قلبى كدبت قول پاحبیبی یعنی سکت امتى ترجع ايامنا تاني ليه تقسى عليا وتنساني قرب تعالى وقول وحشانى ولا انت ع البعد قدرت

قول یاحبیبی یعنی سکت انا مش هااستنی کتیر ولو لیا جناح کنت اطیر کان حبك لیا حب کبیر لیه یاحبیبی منه هربت قول یاحبیبی یعنی سکت

لیه بتحکی

من كتر مابتحكي عنهم خايفه يوم يجي عليا الدور ابقى انا واحده منهم ذكرى وكلمه بين السطور انا إحساسي قالي كده وده اكتر من إحساس متاكده شايفاك حبيبى كتير مغرور وطالع علي برج عالي ولا شايف للدنيا ليالي والحب ملوش عزيز وغالى هيجيلك لوقدامك ألف سور

وبكرة أفكرك وبقولهلك راحة بالك مش دايمه لك وبحزرك وياريتك تاخد بالك الحب نار مش دايما جنه ونور

أحلم تاني ليه ؟!

عايزاني احلم تاني ليه وإنتي اجمل حقيقه قدام عنيه ولو احلم تانى هااشوف ايه وایه اکتر من حبك لیا كل احلامي خلاص حققتها والدنيا بهواكى ملكتها يافرحة ايامي وهنا لياليا انتى الدنيا بكل مافيها وسنين عمري اللي مستنيها واللي ابتديت احس بيها واخاف عليها اد خوفك عليا

حبيبي انا حبيت الحب فيك والشوق اللي باين عليك وبدوب لو المس ايديك واقول بحبك لا لا شوية

عشمتنی لیه ؟!

لما انا مش قد حبك عشمتني ليه وقربتني ليك فتحت لى باب قلبك سكنتنى ليه جوه عنيك ليه خدتني بين احضانك ليه دوقتني طعم حنانك ليه تشغل قلبي بيك لما انا مش قد حبك إنت اللي قلت انا وحشاك مشتاق لحبك وحضن هواك والكلام ده كان برضاك

انا عمرى ماغصبت عليك مش بقولك ارجع تعالي وإنت كل يومين بحاله وانا وقلبي لا واستحاله نحايل ولا نترجا فيك

كنت فاكر

كنت فاكر بنا ستار او حتي سحاب وغيوم اتاری مابنا جدار وبيعلى يوم عن يوم مش ممكن يجمعنا مكان ولا يعود بينا الزمان فراقنا قدر مقسوم خلاص المشاعر اتغيرت حتي القلوب اتحجرت كنت بقول دي أوهام ويمكن احلام لحد مااتفسرت

العمر ضاع عتاب ولوم واللى باقى منه يادوب ساعات ليه نخليه دموع واهات وندم علي حب فات وفى ايدنا نهرب م الهموم حبيبي مش مقسوم لنا إن احنا نبقي لبعضنا ولو القدر اختار بعدنا ليه نرضي لعذابنا يدوم فراقنا ده قدر مقسوم

افتكرنى

عايزاك تفتكرنى قبل ماافكرك بيه ومن غير ماتفكر حبيبي رد عليا قرب كمان هات عنيك في عنيا بص لی وخلینی جنبك شویه حبيبي افتكرني انا مين انا حب العمر كله والسنين المسنى وحس بالحنين عبيرك لسه في ايديا ولوهااسمحلك ان إنت تفكر هیه ثوانی وموش اکتر انا حبى لك كان اكبر

وأسأل قلبك تلاقيه حس بيه افتكرت ولا اقول كمان انا الشوق وانا الحنان انا كنت لك حضن الامان ولسه حبك احلي حاجه فيه

أعلنت الحب

لو اعلنت الحب عليك حبيبي مش هتصدق لوبينت الشوق جوه عنيك لازم تحب واكيد لازم تعشق حبيبي انا بعلن حب وعن مشاعر قلب هوه انا بعلن حرب وفى الحالتين مش هتفرق لو ياحبيبي هواك مداري جرب مره دوق من ناري الحب لوكان بإختيارى

العمر كله يومين لونلحق والقدر اقوي منك ومني واحساسي قال بالنيابه عني سلم واحضن ايديا طمني متسبنيش لوحدي اغرق ومتستهونش بحبي وعواطفي وتقول دي نقطة ضعفي انا دموعي سلاح في صفي لوتغلبني دمعه وبشكوتي تسبق

ماعاش ولاكان

ماعاش ولاكان اللي يمسك ياام القلب الطيب والاحساس طول عمرك رافعة حسك ،،،راسك واوامرك ع العين وايديكي تتباس كل العالم بااسمك غنى وقالو عنك احلى جنه وتاريخ يشرف بين الناس مصر يا ام الجدعان يامصر ياحضن لكل الأوطان نيلك بيروي العطشان وده مش بس كلام وخلاص

وانا مش بكلامي هوصفها استحالة ياللي عايز تعرفها اتفضل تعالي بنفسك هتشوف ارض بتطرح رجاله سمار الشمس زادها قوة وحماس هوه ده المصري بكل فخر يفوت في الحديد والصخر ويرفع علمك يا غاليه يامصر لو ع الشوك عدي وداس

أحكم بالعدل

احكم بالعدل ياسيدى القاضى والادله كام مليون جعان من كل وادى وكام مليار في بنوك الاعادي هو نهب ارضى في شرعكم حلال وعادي احكم بالعدل يا سيدى القاضى انا مصر ليه باليدكو تسقوني المر مستهلش منکو کل ده قتل مستمر اوقف بحور الدم واشترى عمر على عمرى فداء وهديه لاولادى واحكم بالعدل ياسيدى القاضى انا ام على ضنايا قلبي اتحرق

والدليل واضح مش لازمه ورق اطفال وشباب عمرها اتسرق ودمها في كنيسه وجامع وميدان ونادي احكم بالعدل يا سيدى القاضي القضية قضية تار ودم والقصاص العاجل وكفايه لازم نهتم اسمع كدة بكاء وانين وصرخة ام بعد ماحضنها صبح فاضي احكم بالعدل ياسيدى القاضى ارجوك حط نفسك مكانى واللي انقتل ابنك مش حد تاني اكيد هتنهى المسأله في ثواني والقاتل يقتل طول ماهو البادي واحكم بالعدل ياسيدى القاضى

انا بريئة من كل ابن عاق خاين عديم الشرف والاخلاق واللي في الظلم عدي وساق قلبي وربي عليه مش راضي واحكم بالعدل ياسيدي القاضي

إنتو مين ؟!

انتو مین یاللی مالیکو مله ولادین ولاتعرفو ابداعن حاجه اسمها بنی ادمین انتو خونه اتباع عملا تشترى وتتباع ارهاب خسيس وافكار دنيئه كل الاديان من افعالكم بريئه انتو مين انتواخوان الشياطين وصلت بيكو القسوة والجبروت في اامن مكان نسيتو ان لله بيوت للعبادة والصلاة مش للموت

انتو مين انتو اخوان الشياطين. باي حق ياعديم الرحمة قولي بتهلل وتكبر بااى عين ترفع صوتك وتعلى استحى من ربك دى ناس في بيته بتصلي حسبها الله والقاتل يقتل لوبعد حين انتو مين انتو اخوان الشياطين دى مصراللي فتحت لكم قلبها وبابها جزائها الغدر وتقتولو اطغالها وشبابها منكو لله وخساره فيكو حبة ترابها تتاوى رممكو وانتوع المشانق معدومين اخرتكو سوده ياتجار الدم بااسم الدين ان شاء الله تعمو وتتشلو يافجرة عديتوحدود الله كنيسه وجامع الف حسرة ولسه شيوخنا بتقول مسلمين مش كفرة

ملعون ابوهم افتونا دول دينهم اسمه ايه المسلم من سلم الناس من لسانه ويده واللى يقول غير كده قطع لسانه ويده وربنا يجازى اصحاب الفتن ومن ايده سفاحين بيستحلو دم البشر أجمعين فعلا اخوان اخوان الشياطين مفيش عقول ممكن نخاطبها وقلوب من حجر ازى نستعطفها مش بشر اللي قتلت الفرحه يوم عيدها ومش مصر اللي يكسرها شوية خاينين ولا ابلسه ولا جن ولا اخوان الشياطين وموتووانتحرو واتفجرو عشان الكرسي ويوم القيامه اطلبو الشفاعه من مرسى استغفر الله ده اللي صلى بالنبي عليه

الصلاة والسلام ده كان حلم واحد مش متغطي مش كلامي كلام اخوان الشياطين

نفسى أعيش اللحظة معاك

نفسى احس بحضن هواك حبيبي انا زي كل البشر مین قال لك انی ملاك بلاش نعاتب ونلوم محدش مننا معصوم حبنا ده قدر مقسوم ولوتقدر تبعد ابعد بس انا مش وياك في حاجات ملناش فيها ولادايما هنتغلب عليها اللى نظرة عيونا بتصحيها

طول ماانت شايفني وانا شيفاك حبيبي تعالى لحنانك خدني وخليني جوه قلبك اوعدني ولايوم هتفارق حضني ياعمري اللي ابتدي لحظة لقاك

أنا لسه ماسمعتهاش

حبيبى انا لسه مسمعتهاش لمسة ايديك قالتها وانت ليه مابتقولهاش هيه كلمه بيها الحياة تتعاش حبيبي استني ايه تاني العمر لحظة بيمر زي الثواني ولو سنين في حبك متقضناش ماهى نظرة عنيك بتقول كلام كتير وشرحه يطول غير حياتي وانت المسؤول عن قلبي اللي راح ولا جاش

بقي حبك بيجري في دمي لما لقيت همك ماهو برضوا همي قولت لو نقسم الحزن مابينا هيبقى فرحه ياابن عمي ودنيا من غيرك ماتحلاش تعالي نعيش ماضيعش وقت النهارده قبل بكره ياريت دلوقت الحب حلم جميل واناماصدقت القدر يجمعنا احنا مخطرناش

قالوا علينا

قالو علينا دول عيال بيلعبو رشوهم بالميه وبالنار اضربو يومين تلاته يخافو ويهربو طلعو رجاله في الصخر بتفوت لا همها ضرب ولاحتى موت ليها هدف وليها صوت على اكتر وزاد عنادهم قربو ده كان رايهم مش رأي حد صبرو في الشتاءوعز البرد كان غطاهم السماء وفرشهم الارض تحدى فراعنه اوعو تستغربو

سهرو وعلى حسهم الكل نام وقدرو بصوتهم يغيرو النظام تحيه ليهم وتعظيم سلام للى ضحو عشانا واتغربو كلنا نقف واحنا بنحيهم حداد لرحهم الطاهرة فخربيهم دول خلو الكل اترعبو واتكهربو ياام الشهيد كلنا ولادك احنا جمبك وعلى الفراق ربنا يصبر قلبك ابنك في الجنه وعد ربي وربك ومن اید النبی شربه هنیه بیشربو العيال قامت واهو جه دورها والكبار نامت وانطفى نورها اتحامو في مناصب اتهد سورها

والحق ظهر وبان وداقو الذل وجربو والحق تستغربوا

أنا آسفه

انا اسفه اتعديت الحدود وعشت حب ملوش وجود كان وهم في خيالي اتهيالي انه وعود اسفه اتعديت الحدود أسف على كدبه كدبه صدقتها وكلمه صادقه انا قولتها مكنش ابدا ابدا وقتها انا من الخيال رسمت ورود اسفه حبيبي اتعديت الحدود اسفه علي حسن نيتي وظنى انك امل حياتى ودنيتى اسفه علي احساس قلبي وحنيتي وإنت قابلته بكل جحود،،،،، اسفه حبيبى اتعديت الحدود انا بندم ع الوقت اللي سرقني وعلى شوق القلب اللي سبقني حبيبي إنت الخسران صدقني خسرت حب نادر في الوجود اسفه حبيبي اتعديت الحدود کنت بضعف علی اد محبتی وهانت عليا نفسي وعزتي ودى غلطة وانا هااتحمل غلطتى مش هارجع لحبك تانى واعود اسفه حبيبي اتعديت الحدود

السيرة الذاتية



من مواليد السكاكيني بالظاهر كان والدها إمام مسجد بالضاهر ولدت من جذور صعيدية بقرية زرنيخ. مركز إسنا. محافظة الأقصر هي أول من أسس ندوة ثقافية بقصر ثقافة منشية ناصر

في عهد جودت سباق رئيس قصر ثقافة منشية ناصر حينها أول من حصل على شهادة تقدير على ورق البردي لها لقاء على قناة أي بي سي ولقاء في برنامج أيامنا الحلوه ومداخله على قناة المحور نشرت لها العديد من الصحف منها. جريدة الحره اليوم وجريدة الوطن والعربي الناصري ونصف الدنيا لها كليب مصور من الشئون المعنوية للقوات المسلحه بإسم خلفتي يامصر ألحان الفنان حسن دنيا.

محتوى الكتاب

2	بطاقه الكتاب
	الإهداء
4	خلفتی یامصر
	إفرحى يامصر
	مصر بتنادی
	خلصت خلاص
12	أشوفك ثانية
14	خساره فیك
16	بنت عمری
18	إفرحى يامصر ياامه واتهنى
	يرضى مين
	كان أملى
24	هوه لسه فیه وقت
	إحنا شباب 25
	إزاى عدت عليك
	نفضها سيره
	ياريت
	أكتر من الهم
	على فكره أللم المستناه
	مین ده
	ياللي عمرك
	واحشنى كتير ياغالى
45	ليه الأيام
	,

48	 انا بعشق من جدید
50	 حررینی
55	 همسة شوق
54	 سيبك من الأحلام
56	
58	 غصب عنی
50	 كل مااقول أشو فك امتى
54	 معنے سکت معنے سکت
56	
58	 پ بسی أحلم تانی لیه
70	
72	 کنت فاک
	 عت قادر الفتاء :
74	 المنظرين المسالمان
76	
78	
30	
33	 إنتوا مين
37	
39	
91	 قالوا علينا
94	 أنا آسفه
96	 السيره الذاتية للشاعرة
98	 محتوى الكتاب